

Helstu upplýsingar:

- Vöru- og þjónustusala á tímabilinu nam 2,897 mkr og framlegð var 21,5%
- EBITDA 71 mkr á þriðja ársfjórðungi og 218 mkr á fyrstu 9 mánuðum ársins
- EBITDA í fjórðungnum af reglubundinni starfsemi þegar tillit er tekið til einskiptiskostnaðar var 118 mkr en var 125 mkr á sama tímabili 2012
- Heildartap 100 mkr á þriðja ársfjórðungi 2013
- Eigið fé samstæðunnar nemur 1.187 mkr og eiginfjárlutfall er 18,4%
- Viðsnúningur á rekstri Applicon AB í Svíþjóð sem nú skilar hagnaði
- Mikill vöxtur tekna TM Software og afkoma góð
- Finnur Oddsson tók við sem forstjóri félagsins í stað Þórðar Sverrissonar

Finnur Oddsson, forstjóri:

„Rekstrarhagnaður Nýherjasamstæðunnar á þriðja ársfjórðungi er 71 mkr sem er nokkuð lakari afkoma en á sama tímabili í fyrra. Að stærstum hluta skýrist lakari afkoma af einskiptiskostnaði vegna skipulagsbreytinga í ársfjórðungnum en einnig vegna áframhaldandi tapreksturs hjá Applicon A/S í Danmörku.

Viðsnúningur hefur hins vegar orðið á rekstri Applicon í Svíþjóð sem skilaði hagnaði á fjórðungnum. Rekstur Applicon á Íslandi gengur vel, sem og rekstur TM Software þar sem vöxtur tekna er umfram áætlanir.

Afkoma samstæðu Nýherja hefur verið óásættanleg um þó nokkurt skeið og er nú unnið að stefnumótun og endurskilgreiningu á megináherslum til lengri tíma. Markmiðið er að efla þjónustu, bæta afkomu og styrkja eiginfjárstöðu félagsins.“

Rekstrarniðurstaða á þriðja ársfjórðungi 2013

Ársfjórðungsyfirlit - Lykiltölur						
Í milljónum ISK	F3 2013	F2 2013	F1 2013	F4 2012	F3 2012	F2 2012
Seldar vörur og þjónusta	2.897	3.323	3.195	3.622	3.068	3.674
Vörunotkun og kostn.verð seldrar þjónustu	(2.275)	(2.617)	(2.552)	(2.893)	(2.359)	(2.698)
Framlegð	622	705	643	729	709	706
Rekstrarkostnaður	(643)	(663)	(697)	(658)	(652)	(682)
Virðisrýrnun viðskiptavildar	0	(835)	0	(92)	0	0
(Tap) hagnaður fyrir fjármunatekjur og fjármagnsgjöld	(21)	(792)	(54)	(21)	56	24
Hrein fjármagnsgjöld	(64)	(79)	(80)	(63)	(48)	(39)
(Tap) hagnaður fyrir tekjuskatt	(85)	(872)	(134)	(84)	8	(15)
Tekjuskattur	(1)	(2)	22	196	(4)	7
(Tap) hagnaður tímabilsins	(86)	(874)	(112)	112	4	(8)
Rekstrarliðir færðir beint á eigið fé	(14)	12	(11)	9	1	(22)
(Heildartap) –hagnaður tímabilsins	(100)	(862)	(123)	121	5	(30)
EBITDA	71	125	22	146	125	87

- Sala á vöru og þjónustu nam 2.897 mkr á þriðja ársfjórðungi 2013 samanborið við 3.068 mkr á sama tímabili 2012 og lækkar um 171 mkr eða um 5,6%.
- EBITDA var 71 mkr á þriðja ársfjórðungi 2013 samanborið við 125 mkr EBITDA á sama tímabili 2012.
- EBITDA hlutfall á þriðja ársfjórðungi 2013 er 2,5% en var 4,1% á sama tímabili 2012. Heildartap á þriðja ársfjórðungi 2013 nam 100 mkr samanborið við 5 mkr heildarhagnað á sama tímabili 2012.

Rekstrarniðurstaða fyrstu níu mánuði ársins 2013

Níu mánaða yfirlit - Lykiltölur		
Í milljónum ISK	2013 1.1-30.9	2012 1.1-30.9
Seldar vörur og þjónusta	9.415	10.560
Vörunotkun og kostn.verð seldrar þjónustu...	(7.445)	(8.378)
Framlegð	1.970	2.181
Rekstrarkostnaður	(2.003)	(2.032)
Virðisrýrnun viðskiptavildar	(835)	0
(Tap) hagnaður fyrir fjármunatekjur og fjármagnsgjöld	(868)	149
Hrein fjármagnsgjöld	(223)	(154)
Tap fyrir tekjuskatt	(1.091)	(6)
Tekjuskattur	19	2
Tap tímabilsins	(1.072)	(4)
Rekstrarliðir færðir beint á eigið fé	(14)	(6)
Heildartap tímabilsins	(1.086)	(10)
EBITDA	218	335

- Sala á vöru og þjónustu nam 9.415 mkr fyrstu níu mánuði ársins 2013 samanborið við 10.560 mkr á sama tímabili 2012 og lækkar um 1.145 mkr eða um 10,8%.
- EBITDA nam 218 mkr fyrstu níu mánuði ársins 2013 samanborið við 335 mkr EBITDA á sama tímabili 2012.
- EBITDA hlutfall fyrstu níu mánuði ársins 2013 er 2,3% en var 3,2% á sama tímabili 2012.
- Heildartap fyrstu níu mánuði ársins 2013 nam 1.086 mkr samanborið við 10 mkr heildartap á sama tímabili 2012. Á öðrum ársfjórðungi nam gjaldfærsla vegna virðisrýrnunar á viðskiptavild vegna Applicon A/S í Danmörku 835 mkr.

Efnahagsreikningur 30.09.2013 - Lykiltölur		
Í milljónum ISK	30.09.2013	31.12.2012
Fastafjármunir	3.623	4.537
Veltufjármunir	2.810	3.562
Eignir samtals	6.433	8.099
Eigið fé	1.187	2.293
Langtímaskuldir	2.632	2.773
Skammtímaskuldir	2.614	3.033
Eigið fé og skuldir samtals	6.433	8.099
Veltufjárhlutfall	1,07	1,17
Eiginfjárhlutfall	18,4%	28,3%

- Lækkun veltufjármuna um 582 mkr. frá áramótum er einkum vegna lækkunar á viðskiptakröfum og öðrum skammtímakröfum.
- Veltufjárhlutfall er 1,07 í lok þriðja ársfjórðungs en var 1,17 um síðustu áramót.
- Eiginfjárhlutfall lækkar frá áramótum úr 28,3% í 18,4%.

Sjóðstreymi - Lykiltölur		
Í milljónum ISK	2013 1.1-30.9	2012 1.1-30.9
Handbært fé frá rekstri	39	130
Fjárfestingahreyfingar.....	(225)	(228)
Fjármögnunarahreyfingar.....	112	(63)
Lækkun á handbæru fé.....	(74)	(161)
Áhrif gengisbreytinga á handbært fé	(3)	7
Handbært fé í ársbyrjun	218	316
Handbært fé í lok tímabilsins	141	162

- Handbært fé frá rekstri er 39 mkr fyrstu níu mánuði ársins 2013 samanborið við 130 mkr á sama tímabili 2012.
- Handbært fé í lok tímabilsins nemur 141 mkr samanborið við 162 mkr á sama tíma 2012.

Nýherji: Vöxtur í tækniþjónustu

Hjá Nýherja er afkoman heldur lakari en á sama tímabili í fyrra. Vörusala var undir áætlun en þó var aukning í sölu á Lenovo tölvum til fyrirtækja. Markaðshlutdeild Lenovo hefur vaxið hratt á alþjóðamörkuðum og framboð nýjunga er mikið, sem mun hafa jákvæð áhrif á vöruframboð Nýherja. Ágæt sala var í IBM geymslulausnum. Góð sala var í ljósvakabúnaði í ársfjórðungnum. Rammasamningur var undirritaður við RÚV til 2 ára um sölu á upptökuvélum fyrir háskerpuútsendingar.

Stöðugur vöxtur er í tekjum vegna tækni- og rekstrarþjónustu, sérstaklega í alrekstrarþjónustu og Rent-a-Prent prentþjónustu. Jafnframt jókst eftirspurn eftir hljóð- og myndlausnum á ársfjórðungnum.

Á tímabilinu var Finnur Oddsson ráðinn forstjóri Nýherja og tók við starfinu af Þórði Sverrissyni. Finnur hafði verið aðstoðarforstjóri Nýherja frá árinu 2012. Einskíptiskostnaður að upphæð 47 mkr hefur verið færður í rekstrarreikning vegna skipulagsbreytinga.

Ný gildi voru tekin í notkun fyrir alla samstæðuna, sem hafa það meginmarkmið að draga fram mikilvægi framsýni við þjónustu, dirfsku í að breyta til, áherslu á aukið samstarf og sköpun virðisaukandi lausna. Gildin eru Samsterk, þjónustuframsýn og Fagdjörf.

TM Software: Hugbúnaður verðlaunaður erlendis

Gengi TM Software, sem sérhæfir sig í þróun sérhæfðra hugbúnaðarlausna, var framar vonum á ársfjórðungnum. Tekjur félagsins jukust um 24% frá sama tímabili í fyrra, bæði á innlendum og erlendum mörkuðum. Erlendar tekjur af Tempo hugbúnaði vaxa um 60% milli ára og eru í dag 38% af heildartekjum fyrirtækisins. Afkoma félagsins að loknum fyrstu 9 mánuðum ársins er á áætlun.

TM Software hlotnaðist sá heiður að taka á móti tvennum verðlaunum í London og San Francisco fyrir Tempo hugbúnað í síðasta mánuði, sem veitt eru fyrir framúrskarandi árangur í hugbúnaðargerð. Verðlaunin eru mikil hvatning fyrir fyrirtæki og starfsfólk.

Verkefnastaða TM Software er ágæt og söluhorfur góðar.

Applicon: Jákvæður viðsnúningur í Svíþjóð en tap í Danmörku

Á sviði lausna fyrir veitufyrirtæki bættist enn í hóp viðskiptavina með lausn Applicon fyrir „mínar síður“ og unnið er að spennandi snjalllausnum með Orkuveitu Reykjavíkur. Ennfremur má nefna að Applicon hlaut verðlaun frá SAP í alþjóðlegri nýsköpunarsamkeppni, en tillaga Applicon byggði á in-memory gagnagrunni SAP sem er hluti af lausn á sviði viðskiptagreiðna fyrir banka.

Jákvæður viðsnúningur varð rekstri Applicon í Svíþjóð á þriðja ársfjórðungi. EBITDA var jákvæð samanborið við tap í fyrra. Félagið mun leggja áherslu á að nýta þá þekkingu sem hefur skapast í sölu bankalausna fyrir ný verkefni og sölu á hugbúnaði. Gert er ráð fyrir að nýting og aðrir lykilmælikvarðar í rekstri verði í takt við áætlun og að fyrirtækið muni skila hagnaði á fjórða ársfjórðungi.

Tap var á starfsemi Applicon A/S í Danmörku á ársfjórðungnum. Unnið er að því að bæta afkomu félagsins til skemmri og lengri tíma, með áherslu á hagræðingu í rekstri en einnig verður lögð áhersla á samhæfingu á starfsemi Applicon félaganna til að bjóða þær fjölmörgu vörur og lausnir sem Appliconsamstæðan hefur þróað á danska markaðnum. Gert er ráð fyrir áframhaldandi taprekstri á fjórða ársfjórðungi.

Jákvæð afkoma var af rekstri Applicon ehf. á Íslandi.

Vöxtur var á sviði hugbúnaðarsölu og þjónustu sem mun skila traustum tekjum til framtíðar. Samið var við Landsvirkjun um kaup og innleiðingu á Success Factors, SAP lausnar á sviði mannauðsstjórnunar. Einnig tók Íslandsbanki í notkun SAP BPC sem nýtt áætlanakerfi.

Dansupport: Afkoma á áætlun

Ágætt afkoma var af rekstri Dansupport A/S á þriðja ársfjórðungi. Verkefnastaða félagsins er góð. Félagið sérhæfir sig í verkefnum tengdum innviðum upplýsingakerfa. Gert er ráð fyrir hagnaði af rekstri út árið.

Horfur

Óvissa er í íslensku efnahagslífi vegna komandi kjarasamninga, fjárlagagerðar og óljósra loforða stjórnvalda um skuldaleiðréttingar, sem mun hafa áhrif á afkomu og fjárfestingavilja fyrirtækja og einstaklinga á næstu misserum. Mikilvægt er að þessari óvissu verði eytt sem fyrst. Einnig er mikilvægt að íslenskum fyrirtækjum verði sköpuð hagstæðari skilyrði og umgjörð til rekstrar en nú er.

Þrátt fyrir óvissu í efnahagslífi er ljóst að fjárfestingarþörf í mörgum geirum atvinnulífs er nú uppsöfnuð. Samkvæmt könnun meðal viðskiptavina Nýherja gerir um helmingur ráð fyrir aukinni fjárfestingu í upplýsingatækni. Gert er ráð fyrir því að afkoma í rekstri innlendra félaga samstæðunnar verði betri en verið hefur að undanfögnu.

Í ljósi óviðunandi afkomu Nýherjasamstæðunnar það sem af er ári og undanfarin ár, er nú unnið að stefnumótun og endurskilgreiningu á megináherslum samstæðunnar. Markmiðið er að skapa skarpari sýn á grunnstöðir félagsins og þá markaði, viðskiptavinum og lausnir sem áhersla verður lögð á til næstu ára. Bætt afkoma og styrkari efnahagur eru lögð til grundvallar slíkri stefnumótun.

Hluthafar

Markaðsvirði fyrirtækisins í lok september var 1.200 mkr. Lokaverð 30. september 2013 var kr. 3,00 á hlut. Hæsta lokaverð var kr. 3,85 á hlut meðan lægsta verð var kr. 3,00 á hlut. Meðallokaverð var kr. 3,40 á hlut. Fjöldi útgefinna hluta þann 30. september 2013 voru 400.000.000. Viðskipti með félagið í fjórðungnum námu 65 mkr að markaðsvirði.

Kynningarfundur þann 28. október 2013

Kynningarfundur fyrir fjárfesta og markaðsaðila verður haldinn mánudaginn 28. október 2013 í höfuðstöðvum félagsins að Borgartúni 37 í Reykjavík og hefst hann kl. 08:30. Finnur Oddsson forstjóri mun kynna afkomu félagsins. Hægt verður að nálgast kynningarefni fundarins að honum loknum á heimasíðu félagsins, www.nyherji.is.

Fjárhagsdagatal fyrir 2013:

Áætluð birting ársreiknings fyrir árið 2013 er 29. janúar 2014.

Samþykkt árshlutareiknings

Árshlutareikningur var samþykktur á stjórnarfundum Nýherja hf. þann 25. október 2013. Árshlutareikningur Nýherja hf. er í samræmi við alþjóðlega reikningsskilastaðla (IFRS-International Financial Reporting Standards). Árshlutareikningurinn er hvorki endurskoðaður né kannaður af endurskoðendum félagsins.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Stöðugildi hjá Nýherjasamstæðunni voru 501 í lok september. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Stjórn Nýherja: Benedikt Jóhannesson, stjórnarformaður, Guðmundur Jóh. Jónsson, Guðrún Ragnarsdóttir, Hildur Dungal og Marta Kristín Lárusdóttir. Finnur Oddsson er forstjóri Nýherja.

Nánari upplýsingar: Finnur Oddsson, forstjóri Nýherja, í síma +354 862 0310.

Til athugunar fyrir fjárfesta

Nýherji vekur athygli á því að staðhæfingar sem finna má í þessari fréttatilkynningu kunna að vera byggðar á mati og áætlunum stjórnenda félagsins en ekki á staðreyndum sem hægt er að sannreyna af birtingu tilkynningarinnar. Eðli málsins samkvæmt fela slíkar staðhæfingar í sér óvissu. Athygli fjárfesta er vakin á því að margir þættir geta haft þau áhrif að rekstrarumhverfi félagsins og afkoma verði með öðrum hætti en forsendur gera ráð fyrir í tilkynningunni. Þessi tilkynning verður ekki endurskoðuð eftir birtingu hvað þetta varðar. Staðhæfingar sem finna má í þessari fréttatilkynningu gilda eingöngu á því tímamarki þegar fréttatilkynningin er birt og takmarkast gildi þeirra við það sem segir í fyrirvara þessum.